

ՀՀ ֆինանսների նախարարություն
Հարկային և մաքսային մարմինների գանգատարկման հանձնաժողով

Ո Ր Ո Շ ՈՒ Մ 6/7

1 հուլիսի 2014 թ.

Քննարկվեց Ա/Ձ Արթուր Հայրապետյանի 04.06.2014 թ-ի դիմումով բերված գանգատը սոցիալական ապահովության վճարի գծով առաջադրված պարտավորության դեմ:

Ա/Ձ Արթուր Հայրապետյանի գանգատում բերված փաստարկները.

Ա/Ձ Արթուր Հայրապետյանին Կոտայքի ՏՀՏ-ում տեղեկացրել են 2012 թ-ի հոկտեմբեր, նոյեմբեր, դեկտեմբեր ամիսների համար սոցիալական վճարի գծով 15000 դրամի պարտք ունենալու վերաբերյալ, որը գոյացել է այն պատճառով, որ արտոնագրային վճարը 17500 դրամի փոխարեն վճարվել է 16800 դրամ, այսինքն՝ 700 դրամ պակաս:

Հաշվի առնելով, որ Ա/Ձ Արթուր Հայրապետյանի կողմից վճարվել է պակաս վճարված 700 դրամը, գանգատաբերը խնդրում է ազատել սոցիալական վճարի գծով առաջադրված պարտավորությունից:

ՀՀ ֆինանսների նախարարության հարկային և մաքսային մարմինների գանգատարկման հանձնաժողովի եզրակացությունը.

ՀՀ ֆինանսների նախարարության հարկային և մաքսային մարմինների գանգատարկման հանձնաժողովը (այսուհետ նաև Հանձնաժողով), ուսումնասիրելով սույն գործին առնչվող նյութերն ու ապացույցները եկավ հետևյալ եզրակացության:

Քննարկման ընթացքում նշվեց, որ Ա/Ձ Արթուր Հայրապետյանը պետական ռեզիստրում հաշվառվել է 02.07.2012 թ-ին ց

31.08.2012 թ-ին և 31.10.2012 թ-ին հարկ վճարողի կողմից փոստային ծառայության միջոցով Կոտայքի ՏՀՏ է ուղարկվել համապատասխանաբար օգոստոս-սեպտեմբեր և հոկտեմբեր-դեկտեմբեր ամիսների համար մարդատար մեքենայով ուղևորափոխադրում իրականացնելու նպատակով արտոնագրային վճար վճարող համարվելու համար դիմում-հայտարարություններ:

Հաշվի առնելով այն հանգամանքը, որ նշված դիմում-հայտարարությունները չեն բավարարել «Արտոնագրային վճարների մասին» ՀՀ օրենքի պահանջներին (պակաս գումարի չափով վճարում է կատարված), ուստի դրանք փոստային ծառայության միջոցով ետ են վերադարձվել: Արդյունքում, հուլիս-դեկտեմբեր ամիսների համար «Պարտադիր սոցիալական ապահովագրության վճարների մասին» ՀՀ օրենքի 5-րդ հոդվածի 5-րդ կետի համաձայն հաշվարկվել է նվազագույն սոցիալական վճար՝ ընդամենը 30.000 դրամ:

Վերոգրյալի կապակցությամբ հարկ է նշել, որ համաձայն «Արտոնագրային վճարների մասին» ՀՀ օրենքի Հավելված 8-ի 6-րդ կետի. «Հայտարարություն ներկայացնելու օրն անհատ ձեռնարկատերը կամ իրավաբանական անձը ստանում է արտոնագիր սույն հավելվածի N 2 ձևին համապատասխան: Ընդ որում, հայտարարությունը ներկայացնելու օրվա ընթացքում սույն հավելվածի N 2 ձևով արտոնագիր չտրամադրելու դեպքում արտոնագիրը համարվում է տրամադրված

հայտարարությունը ներկայացնելու օրը, եթե անհատ ձեռնարկատերը կամ իրավաբանական անձը, սույն հավելվածի 16-րդ կետին համապատասխան, կատարել է արտոնագրային վճարի վճարում»:

Քննարկվող դեպքում, Ա/Ձ Արթուր Հայրապետյանի կողմից փոստային ծառայության միջոցով Կոտայքի ՏՀՏ են ուղարկվել հաշվետու ժամանակաշրջանների համար մարդատար մեքենայով ուղևորափոխադրում իրականացնելու նպատակով արտոնագրային վճար վճարող համարվելու դիմում-հայտարարությունները, ինչպես նաև մինչև արտոնագրի ստանալը վճարվել են արտոնագրային վճարի գումարները: Սակայն, թյուրիմացաբար արտոնագրային վճարը 17.500 դրամի փոխարեն վճարվել է 16.800 դրամ:

Հարկ է նշել, որ «Վարչարարության հիմունքների և վարչական վարույթի մասին» ՀՀ օրենքի 5-րդ հոդվածի համաձայն. «Վարչարարություն իրականացնելիս վարչական մարմիններին արգելվում է միայն ձևական պահանջների պահպանման նպատակով անձանց ծանրաբեռնել պարտականություններով կամ մերժել նրանց որևէ իրավունք տրամադրելը, եթե նրանց վրա դրված պարտականությունները բովանդակային առումով կատարված են»:

Հանձնաժողովը գտնում է, որ տվյալ դեպքում գործ ունենք մի իրավիճակի հետ, երբ արտոնագրային վճարի գումարները պակաս են վճարվել թյուրիմացության հետևանքով, այն մեխանիկական սխալի արդյունք է, այսինքն՝ թույլ տրված խախտումը, ըստ էության, կրում է ձևական բնույթ, քանի որ տեղի ունեցած սխալի վերաբերյալ տեղեկանալուց հետո Ա/Ձ Արթուր Հայրապետյանը վճարել է պակաս վճարված գումարը: Այսինքն, կարելի է արձանագրել, որ «Արտոնագրային վճարների մասին» ՀՀ օրենքով Ա/Ձ Արթուր Հայրապետյանի վրա դրված պարտականությունները բովանդակային առումով, ըստ էության, կատարվել են:

Հաշվի առնելով վերոգրյալը՝ Հանձնաժողովը գտնում է, որ Ա/Ձ Արթուր Հայրապետյանի գանգատը ենթակա է բավարարման:

Ելնելով քննարկման արդյունքներից և ղեկավարվելով «Հարկային ծառայության մասին» ՀՀ օրենքի 43.1-րդ հոդվածի և «Մաքսային ծառայության մասին» ՀՀ օրենքի 37-րդ հոդվածի պահանջներով հանձնաժողովը

ո ռ ո շ ու մ է՝

Ա/Ձ Արթուր Հայրապետյանի 04.06.2014 թ-ի դիմումով բերված գանգատը բավարարել:

Հանձնաժողովի նախագահ՝



Վ.ՄԻՐՈՒՄՅԱՆ